

97  
K291  
35  
3:2

# 明實錄北京史料

(二)

趙其昌 主編



北京古籍出版社

C 522732

# 目 录

<b>宣宗宣德十年(1435)</b> .....	1
<b>英宗正統元年(1436)</b> .....	17
正統二年(1437).....	41
正統三年(1438).....	54
正統四年(1439).....	68
正統五年(1440).....	84
正統六年(1441).....	99
正統七年(1442).....	115
正統八年(1443).....	130
正統九年(1444).....	142
正統十年(1445).....	151
正統十一年(1446).....	160
正統十二年(1447).....	170
正統十三年(1448).....	182
正統十四年(1449).....	189
<b>代宗景泰元年(1450)</b> .....	220
景泰二年(1451).....	251
景泰三年(1452).....	267
景泰四年(1453).....	280
景泰五年(1454).....	291
景泰六年(1455).....	302

景泰七年(1456).....	317
景泰八年(1457).....	329
<b>英宗天順元年(1457).....</b>	<b>331</b>
天順二年(1458).....	344
天順三年(1459).....	355
天順四年(1460).....	361
天順五年(1461).....	370
天順六年(1462).....	376
天順七年(1463).....	383
天順八年(1464).....	389
<b>憲宗成化元年(1465).....</b>	<b>399</b>
成化二年(1466).....	404
成化三年(1467).....	409
成化四年(1468).....	416
成化五年(1469).....	424
成化六年(1470).....	431
成化七年(1471).....	443
成化八年(1472).....	454
成化九年(1473).....	464
成化十年(1474).....	467
成化十一年(1475).....	473
成化十二年(1476).....	479
成化十三年(1477).....	488
成化十四年(1478).....	494
成化十五年(1479).....	501
成化十六年(1480).....	506
成化十七年(1481).....	513
成化十八年(1482).....	523

---

成化十九年(1483).....	527
成化二十年(1484).....	532
成化二十一年(1485).....	538
成化二十二年(1486).....	543
成化二十三年(1487).....	550
<b>孝宗弘治元年(1488).....</b>	<b>560</b>
弘治二年(1489).....	571
弘治三年(1490).....	582
弘治四年(1491).....	592
弘治五年(1492).....	596
弘治六年(1493).....	603
弘治七年(1494).....	610
弘治八年(1495).....	618
弘治九年(1496).....	628
弘治十年(1497).....	635
弘治十一年(1498).....	642
弘治十二年(1499).....	648
弘治十三年(1500).....	654
弘治十四年(1501).....	660
弘治十五年(1502).....	673
弘治十六年(1503).....	678
弘治十七年(1504).....	682
弘治十八年(1505).....	690

## 宣德十年(1435)

- 1 正月壬午 上即皇帝位，頒詔大赦天下。  
(英宗正統實錄卷1 第8頁 1.5.0009)
- 2 正月癸未 營建大行皇帝陵寢於天壽山。敕太監沐敬、豐城侯李賢、工部尚書吳中、侍郎蔡信督工，成國公朱勇、新建伯李玉、都督沈清及內府諸衙門錦衣衛發軍匠人等十萬人興役。  
(英宗正統實錄卷1 第14頁 1.9.0018)
- 3 正月丙戌 朝鮮國王李禔遣陪臣申概奉表貢馬及方物慶賀。賜宴并綵幣〔校記：廣本作綵帛〕等物。  
(英宗正統實錄卷1 第14頁 1.10.0019)
- 4 正月庚寅 琉球國中山王尚巴志遣通事李敬……俱來朝貢馬及方物。賜宴并綵幣等物有差。  
(英宗正統實錄卷1 第16頁 1.12.0022)
- 5 正月丁酉 朝鮮國王李禔遣陪臣金益精奉表貢馬及方物慶賀。……賜宴并綵幣等物有差。  
(英宗正統實錄卷1 第21頁 1.15.0030)
- 6 正月戊戌 北京國子祭酒具泰(按：疑具爲貝之誤，參本編第83條)奏：欲將監生所作課業做書按季送翰林院考較，年終奏繳文冊數目。從之。  
(英宗正統實錄卷1 第21頁 1.16.0031)
- 7 正月辛丑 順天府府尹李庸奏：直隸霸州等州、東安等縣逋民二萬七千一百五十九戶，乞行禁約，有久不復業并主藏者明

治以罪。上以寬恤之詔初下，姑緩之，令其復業自新。

(英宗正統實錄卷1 第23頁 1.18.0035)

8 二月癸卯朔 勅行在五軍都督府及兵部：比因營造差調，官軍不暇操練，人已停役。爾等其整飭兵旅，以時訓練，務在行伍整肅，戎器鋒利，毋事因循，庶副委之重。

(英宗正統實錄卷2 第2頁 2.2.0039)

9 二月癸卯朔 遣郎中李約、員外李儀賚勅諭朝鮮國王李禔，曰：朕初嗣大寶，嘉與天下安於清靜。王國朝貢，一循舊制，非常貢之物，悉皆悉(按：館本悉下有止字，是也)之。因賜陶金織文綺綵幣等物。

(英宗正統實錄卷2 第2頁 2.2.0039)

10 二月丁未 復給通州左、右、神武中、定邊四衛在京操備旗軍行糧。先是，外衛官軍從役京師每人月支行糧四斗，後以四衛去京甚邇，不復支給，至是軍士以艱窘自陳，故復給之。

(英宗正統實錄卷2 第3頁 2.2.0040)

11 二月戊申 遣順天府官祭先農之神及宋丞相文天祥。

(英宗正統實錄卷2 第3頁 2.3.0041)

12 二月辛亥 順天府宛平縣民奏：舊種地上，先為營造以築夫營，即今空閒，又蒙分派糧稅，遭年虛納。上命行在戶部覈實除之。

(英宗正統實錄卷2 第8頁 2.7.0049)

13 二月壬子 賜在京文武羣臣及軍民人等白金、絹布、鈔錠：公六十兩，侯伯駙馬五十兩。一品二品四十兩，三品二十兩，四品五品遞減五兩，六品至九品遞減二兩，雜職三兩。故侯伯之家及未承爵者各十兩，將軍、旗校、軍匠人等各二兩，優給幼官及老疾軍官并紀錄幼軍各於其例減半。辦事官、監生、生員，人材、典吏、陰陽、醫士、樂人、各絹一疋，在京廂民、工匠、廚役、僧道、雜役人等各布一疋。營造山陵軍匠人鈔一百

貫、乾魚三斤。在外聽選公差及四夷朝貢人員各賜鈔有差。

(英宗正統實錄卷2 第9頁 2.7.0050)

**14 二月甲寅** 復以罪囚充通州各衛倉斗級。先是，行在戶部侍郎王佐言：通州各衛倉用軍斗收糧，其弊多端，請以法司論斷徒流罪囚充斗級。宣宗皇帝既從之，已而詔法司論罪依律科斷，遂復用斗級。至是行在戶部以佐言爲便，請復行之。

行在五軍都督府言：在京七十七衛官軍士校尉總旗二十五萬三千八百，除屯田守城外，其十一萬六千四百俱內府各監局及在外差用。今各營練操僅五萬六千，選用不敷，況今工部人匠數多，足任役使，乞將各監局役占官軍退回各營操練。從之。

順天府奏：所屬州縣民貧多竄，乞將惜薪司擡柴貼夫四十名、河西務堡添設接遞夫八百名與減除，以紓民困。於是減去貼夫二千名，其添設接遞夫盡革罷。從之。

(英宗正統實錄卷2 第10頁 2.8.0052)

**15 二月乙卯** 上將移居大內，命工修葺乾清宮并東華門內各殿宇。

(英宗正統實錄卷2 第10頁 2.9.0053)

**16 二月丙辰** 順天府府尹李庸奏：洪熙元年暫起工匠戶丁七十餘名赴巾帽局助工，近蒙詔書放免。今內官王賢奏，欲仍取赴局，恐戾前詔。上令如詔，不許內官違擾。

(英宗正統實錄卷2 第11頁 2.9.0053)

**17 二月庚申** 少傅兵部尚書兼大學士楊士奇等言：自古國家宗廟之制，惟商周唐宋四朝可考，商七廟，周與唐宋俱九廟，今國家盡奉先之孝，禮宜從厚，當作九廟，永爲定制。上從之，命工部擇日修建。後以議不諧而罷。

(英宗正統實錄卷2 第12頁 2.10.0056)

**18 二月甲子** 命直隸隆慶州儒學學正劉鑑復任。時鑑任滿，乏科舉例，當謫戍雲南。其生徒言鑑訓誨有方，但以新設之學未臻

成效，乞留復任。事下行在吏部，覆奏，故有是命。

(英宗正統實錄卷2 第13頁 2.11.0057)

19 二月乙丑 命太子太保成國公朱勇、新建伯李玉提督大營五軍、三千等營官軍操練。先是，命英國公張輔、寧陽侯陳懋及勇、玉同督操練，既留輔、懋議政事，故止命勇、玉。

(英宗正統實錄卷2 第13頁 2.11.0058)

20 二月戊辰 琉球國中山王尚巴志遣使臣南來米結等奉表謝恩，供方物。賜宴并綵幣等物。

(英宗正統實錄卷2 第14頁 2.12.0059)

21 二月戊辰 省禮部等衙門諸冗費。初，上即位，有敕，凡事皆從減省。行在禮部尚書淡等議，欽天監曆日五十萬九千七百餘本，省爲十一萬九千五百餘本；太醫院藥材九萬八千餘斤，省爲五萬五千四百餘斤；光祿寺糖蜜果品減舊數三之二，其添造醃臘雞鵝豬羊二萬七千隻、子鵝二千隻、酥油四千斤盡行革罷。厨役六千四百餘名，揀選老疾者悉皆放回。湖廣江西等處薦新茶芽〔校記：寶訓作芽茶〕七千五百餘斤，省回四千斤。在京各寺法王、國師、刺麻六百九十餘名，減數存留，餘者令回原寺住坐。放回雲南阿〔按：館本、寶訓阿作呵〕吒力朶弓薄五十餘名，取回木邦等處催辦金銀內官，革去會同館辦事官，南北兩監監生入監年淺者放回依親讀書，歲貢生員自正統元年爲始，府學一年一貢，州學二年一貢，縣學三年一貢。上悉從所議。

革上林苑監所轄冰鑑、川衡、典察左、右、前、後六署，惟存嘉蔬、蕃育、良牧、林衡四署。從行在戶部奏請也。

行在戶部奏：洪熙初，以順天府順義縣田三頃賜少師吏部尚書蹇義。今義卒，宜仍以前田與其男尚寶司丞。從之。

(英宗正統實錄卷2 第14頁 2.12.0059)

22 二月己巳 行在戶部言，在京都稅等司局巡欄數多，慮恐擾人。命減去三百六十餘名。

順天府宛平縣民奏：永樂間用臣等戶內田地七頃餘爲木廠，今已空閒，爲守者占用，負累虛納糧草。令行戶部覆實，仍給各人〔校記：廣本人作戶〕佃種。

(英宗正統實錄卷2 第15頁 2.13.0061)

23 二月辛未 命武進伯朱冕、都督沈清提督神機官軍操練，行在戶部言，在京牛羊等房俱用浩繁。命減去各房牛三千餘隻，令軍民領養耕種，羊二千〔校記：廣本二作三〕餘隻，聽光祿寺取用，及歲供〔按：館本供作貢〕蠟綿硃茶等物俱減其半，以省冗費。

行在工部給事中鮑亮夫奏：通州倉厰已完，其用席覆者止百餘間，今工部奏留軍匠修蓋，請停罷爲便。上以倉厰不可缺，命卽完之。

(英宗正統實錄卷2 第15頁 2.13.0061)

24 三月癸酉朔 上以造山陵及修殿宇匠夫勤勞，人賜薰魚二斤，鈔十錠，鞵鞋一雙。

(英宗正統實錄卷3 第1頁 3.1.0063)

25 三月癸酉朔 放朝鮮國婦女金魚〔按：疑魚爲黑之誤〕等五十三人還其國。黑等自宣德初年取來，久留京師。上憫其有鄉土父母之念，特遣中官送回。且諭其國王，悉遣還家，勿致失所。

(英宗正統實錄卷3 第1頁 3.1.0063)

26 三月丙子 行在戶部奏：居庸關路當衝要，而米豈缺乏。請於京倉出米五百石，山口倉出豈二百石，令昌平縣丁壯運赴本倉收貯備用。從之。

行在工部奏：見修在京倉厰未完，欲借漕運軍一千名助工，請督運官減所運糧，先遣至京。從之。

(英宗正統實錄卷3 第1頁 3.1.0063)

27 三月丁丑 復大興縣主簿趙文通職。初，錦衣衛校尉廉得文通因徵歛自私下獄，文通懼刑誣服。至是概以詔例出爲民，文

通陳冤狀。上以文通爲校尉所訐，無有訟之者，特復其官。

(英宗正統實錄卷3 第2頁 13.0064)

**28 三月戊寅** 放教坊司樂工三千八百餘人爲民。先是，諭禮部臣曰：兩京教坊司樂工過多，虛費月糧，何益於事？其擇堪承應者量留應用，凡老病及不堪者悉發爲民。至是行在禮部具數以聞。悉放之。

(英宗正統實錄卷3 第2頁 3.2.0065)

**29 三月辛巳** 巡撫河南行在兵部右侍郎于謙奏：工部以營建山陵起取河南人夫一萬七千名，緣河南連歲災傷，人民艱食，乞減半取之。以上(按：疑以上爲上以之誤)陵將完，河南人夫至亦不及事矣，令速止之。

(英宗正統實錄卷3 第4頁 3.3.0068)

**30 三月癸未** 減順天府所僉天財庫諸處夫役。先是，府尹季(按：館本季作李，季下有庸字)奏所屬州縣人民乏食，逃移者衆，見在人戶應當諸處夫役數多，乞與分豁。上命行在戶部量減其數，以休民力。至是踈放二千六百四十餘人。

(英宗正統實錄卷3 第5頁 3.4.0069)

**31 三月甲申** 行在光祿寺奏：本寺歲用□(按：館本□作厨)料糖蜜諸物已經奏減，其粳米厨料及牲口料食，未蒙定奪，宜減如例。從之。歲凡減粳米三萬(校記：廣本三作一)一千石，糯米一萬一千石，粟米四萬餘石，粟稻穀各一萬一百石，他物各減有差。

(英宗正統實錄卷3 第5頁 3.4.0070)

**32 三月乙酉** 安南國遣陪臣黎炳(按：館本炳作柄)等，滿刺加國王西哩麻哈刺者遣其弟刺殿把刺……俱來貢駝馬方物器皿。賜綵幣等物有差。

(英宗正統實錄卷3 第5頁 3.5.0071)

**33 三月己丑** 順天府順義、香河、永清諸縣各奏，去歲水

澇，人多缺食，所在倉糧賑濟不敷。皇上命行在戶部遣官，於他州縣官倉糧多者給濟之。

(英宗正統實錄卷3 第7頁 3.6.0074)

34 三月癸巳 賜營造山陵夫匠人鞋一雙，藁魚三斤。

(英宗正統實錄卷3 第8頁 3.7.0075)

35 四月壬寅朔 勅諭滿剌加國王西哩麻哈刺者曰：王者〔按：館本者作在〕先朝，躬來朝貢，已悉爾誠。朕嗣承大統，小大〔校記：舊校改小大作大小。寶訓與館本作小大〕庶務，悉遵祖宗成憲。今已勅廣東都司布政司，厚具廩餼，駕大八〔校記：寶訓大八作八大〕檣船送王還國，并遣古里、真臘等十一國使臣附載同回。王宜加意撫卹，差人分送各國，不致失所，庶副朕柔遠之意。

(英宗正統實錄卷4 第1頁 4.1.0081)

36 四月壬寅朔 順天府通州奏：去歲水澇，人民缺食，本州倉糧賑濟不敷，請發神武中衛倉糧給濟，俟秋成償官。事下行在戶部，覆奏從之。

(英宗正統實錄卷4 第2頁 4.1.0082)

37 四月癸卯 命蘇門答刺國王宰奴里阿不〔按：館本不準必〕丁男阿卜賽亦的〔校記：廣本亦作赤，下同〕嗣為國王。先是，以公務遣中官王景弘往其國，宰奴里阿必丁遣弟哈尼者罕等來京朝貢，且奏耄年不能事事。上嘉宰奴里阿必可〔按：館本可作丁〕素尊朝廷修職貢，而阿不賽亦的乃其冢嗣，應襲王爵，故有是命。宴賚哈尼者罕等加厚。

(英宗正統實錄卷4 第2頁 4.2.0083)

38 四月乙巳 朝鮮國王李洵遣陪臣盧開等奉表貢馬及方物慶賀。賜綵幣等物。

(英宗正統實錄卷4 第2頁 4.2.0084)

39 四月丙辰 命行在戶部撥董家務等處官牛三百餘支給民耕

種，省芻豆之費也。

(英宗正統實錄卷4 第4頁 4.4.0087)

40 四月戊午 詔免順天府所屬十一州縣逃戶負欠秋糧穀草。

(英宗正統實錄卷4 第4頁 4.4.0087)

41 四月辛酉 修葺長陵、獻陵，始置石人石馬於御道東西。

(英宗正統實錄卷4 第5頁 4.4.0087)

42 四月辛酉 造江米巷石橋。

(英宗正統實錄卷4 第5頁 4.4.0088)

43 四月癸亥 順天府奏：宛平縣有古河。近年水決隄岸，或時泛溢爲害，宜令有司起夫疏通，以息水患。從之。

(英宗正統實錄卷4 第7頁 4.6.0092)

44 四月丁卯 上諭行在禮部尚書胡濙曰：今當穀麥長茂之時，而畿甸之間天久不雨，又聞遠近間有水潦蝗蝻，深軫朕懷，宜遣大臣於在京廟觀祈禱。仍分遣道士詣天下嶽鎮、河瀆祈豐稔，無稽無忽(校記：廣本無忽作毋忽)。

(英宗正統實錄卷4 第9頁 4.7.0094)

45 四月戊辰 山東、河南、順天府、直隸、保定、真定、順德、淮安等府各奏蝗蝻傷稼。上命監察御史、給事中馳驛往捕。

(英宗正統實錄卷4 第10頁 4.8.0096)

46 五月癸酉 遣官祭山川城隍及房山縣龍潭等神。時天久不雨，房山民言其縣北七十里龍潭，歷宋元以來禱雨卽應，故遣官祭之。

(英宗正統實錄卷5 第1頁 5.1.0097)

47 五月丁丑 以趙府諸王所遺在京田園六十三所入官，牛皆給民耕種，幼軍工匠校尉皆令復役。由監察御史勘實具數以聞也。

(英宗正統實錄卷5 第3頁 5.3.0101)

48 五月壬午 行在工部奏：巾帽局造靴襪諸物，該用木柴八萬三千八百餘斤，雜草二萬九千五百餘斤，欲仍催徵，恐良詔

條。上命如詔，勿徵。

(英宗正統實錄卷5 第5頁 5.4.0104)

**49 五月丙戌** 詔安南國曰：我皇考皇帝，以至仁大德純承丕業，率循憲章，恢宏政化。方期家國永底雍熙，不幸今年正月初三日賓天，遺命眇躬嗣承大統，於初十日卽皇帝位，以明年爲正統元年。大赦天下，咸與維新。故茲詔示，想宜知悉。

(英宗正統實錄卷5 第6頁 5.5.0105)

**50 五月己丑** 薦宣宗章皇帝陵號曰“景陵”。

(英宗正統實錄卷5 第8頁 5.6.0108)

**51 五月己亥** 陞行在翰林院待詔趙琬爲北京國子監司業。

(英宗正統實錄卷5 第9頁 5.8.0112)

**52 五月己亥** 罷文明、惠河關官吏，減文明門〔校記：舊校刪門字〕至通州六關夫。初，永樂間欲通漕舟直至京城，置此六關，俱設官，徵取江西、湖廣、河南民二千三百餘人爲關夫，逃者過半。至是吏部侍郎趙新言，關夫逃避，所司逮捕，累及無辜。事下行在工部，覆奏：止將在役者七百五十餘人存留，其老疾者故遣，逃者俱勿追。文明、惠河二關，既展入城中，宜罷其官吏。從之。

(英宗正統實錄卷5 第10頁 5.9.0113)

**53 六月壬寅** 行在工部奏：在京各廠所積蘆席、蘆葦、石灰、木炭之類，給用已盡，今又移置甲字等庫，修葺內府，費用浩大，請徵河間、順德、大名、廣平四府三千人夫赴工採辦。上以民方〔校記：廣本方作未〕蘇息，不從。

(英宗正統實錄卷6 第2頁 6.2.0117)

**54 六月甲寅** 命行在工部造景陵祭器。

(英宗正統實錄卷6 第5頁 6.4.0121)

**55 六月丙辰** 韃子打刺帖木兒來歸，貢馬。賜衣服等物。

(英宗正統實錄卷6 第5頁 6.4.0122)

56 六月辛酉 奉宣宗章皇帝梓宮葬於景陵。

(英宗正統實錄卷6 第6頁 6.6.0124)

57 六月辛酉 占城國遣使逋沙怕茹該等奉金葉表文及方物來貢。賜綵幣等物有差。

(英宗正統實錄卷6 第6頁 6.5.0124)

58 六月己巳 鎮守密雲都指揮僉事馬驥奏：密雲中衛、後衛遣中軍往古北口防邊，多有新補役者，俱無器械。上命行在工部量數給與，凡給弓箭、盔甲、刀槍等物一萬五千件有餘。

(英宗正統實錄卷6 第7頁 6.6.0126)

59 七月壬戌 設景陵祠祭署，置奉祀、丞〔按：館本作奉祀祀丞〕各一員。

(英宗正統實錄卷7 第2頁 7.1.0128)

60 七月癸酉 行在戶部奏：山陵訖工，賞賜官軍夫匹（按：匹爲匠之誤）絹匹、胡椒，若俟關填勘合然後給賞，必致遲誤，宜先移文本部，委官於內府各庫關運給賞。從之。

(英宗正統實錄卷7 第2頁 7.2.0129)

61 七月乙亥 遣爪哇國使臣從人哈災等還。初，永樂中，哈災等隨使臣馬嘿占入貢，值其國亂，遂留京師。至是遣還，給道里費。

(英宗正統實錄卷7 第3頁 7.3.0131)

62 七月丙子 行在兵部奏：在京三千、五軍、神機營缺馬二萬五千三百餘疋，遼東、寧夏等處缺馬六千五百餘匹，請于北京行太僕寺閱一萬〔校記：廣本一作二〕二千餘疋，南京太僕寺所管州縣選一萬疋給與。從之。

(英宗正統實錄卷7 第4頁 7.3.0132)

63 七月丁丑 順聖川養馬內官撒英奴等奏：本川孳生馬駒欲依例選良者四五百疋送京調習。從之。

(英宗正統實錄卷7 第4頁 7.3.0132)

64 七月己卯 修桑乾河橋，通州、直沽要（按：疑要爲要之誤）兒渡口等處隄岸。

（英宗正統實錄卷7 第5頁 7.5.0135）

65 七月庚辰 以順天府宛平縣草場地四十餘頃給與都督阿只十奄等爲牧放之所。

（英宗正統實錄卷7 第6頁 7.5.0136）

66 七月丁亥 行在禮部尚書胡濙等奏：比奉勅旨，省冗費以安養軍民，今京師諸寺〔校記：廣本作今京師寺〕法王、國師、番僧尚有四五百人，其供費浩繁，宜量數存留，餘悉遣回本土。上以爲然，令俟來歲議行。

（英宗正統實錄卷7 第9頁 7.7.0140）

67 七月戊子 作靈濟宮。

（英宗正統實錄卷7 第9頁 7.7.0140）

68 七月辛卯 泰寧衛指揮僉事苦列台和寧王孫妻速木答里遣千戶把禿俱來朝貢馬，願留京居住。賜衣服等物。

（英宗正統實錄卷7 第9頁 7.7.0141）

69 七月戊戌 陞……順天府府尹李庸爲行在工部左侍郎兼掌府事。

（英宗正統實錄卷7 第13頁 7.11.0147）

70 七月戊戌 巡閱監察御史王祐奏：山海沿邊操備官軍月給口糧，供于林南倉閔支，相去二三百里，不勝艱苦。上命行在戶部議，遂於遵化倉召商納米中鹽以便官軍，淮、浙、長蘆鹽每引米五斗，山東、河東〔按：疑東爲南之誤〕、福建、四川、廣東鹽每引二斗，俱不拘資序給之。

（英宗正統實錄卷7 第14頁 7.11.0148）

71 七月戊戌 直隸、保定、真定、順德、河間……等府各奏去歲天雨連綿，河水泛漲，所屬州縣田禾滄沒無收。上命行在戶部遣官覆視，除其租稅。

（英宗正統實錄卷7 第14頁 7.12.0149）

72 八月癸卯 命行在翰林院侍讀學士李時勉、侍講高穀爲順天府鄉試考官，賜宴於本府。

(英宗正統實錄卷8 第1頁 8.1.0151)

73 八月癸卯 北京國子監助教董威、阮應良自陳老疾，乞致仕。上以教育人才正須老成，不聽其去。

(英宗正統實錄卷8 第1頁 8.1.0152)

74 八月丙午 減光祿寺廚役四千七百餘人。初，洪武中光祿寺廚役八百名，永樂中兩京共三千名，後增至九千餘名。至是減者量留五千人供役。

(英宗正統實錄卷8 第2頁 8.1.0152)

75 八月戊申 遣官祭宋丞相文天祥。

(英宗正統實錄卷8 第2頁 8.2.0153)

76 八月丙辰 行在禮科給事中李讓言五事。……一，壩上等處草場所用馬草，小民送納艱難，各處驛馬瘦損倒死，重科害人。有司欵給馬匹倒死買補，亦爲民擾。乞將壩上等處所養馬疋量爲減省，給與缺馬驛分應給官員，以寬民力。一，近訪得在京光祿寺收受在外府州縣粟豆米糶〔校記：廣本米糶作糯米〕納戶顧人運人倉，多被廚役人等盜取，致令納戶假貸陪補，喪家蕩產，乞每月輪差御史給事中各一員巡視閔防。……上令該部會議行之。

(英宗正統實錄卷8 第6頁 8.4.0158)

77 八月戊午 命長陵衛副千戶錢鑑復父指揮僉事職。初，鑑父通任錦衣衛指揮僉事，洪熙間調長陵衛，及卒，鑑襲爲副千戶，至是援例請復父職，故有是命。

(英宗正統實錄卷8 第7頁 8.6.0161)

78 八月己未 薊州等處總兵官都督同知王彧奏：擦崖子百戶孟山、東勝左衛指揮張琳，不行嚴督軍士瞭守，以致達賊至門，殺傷軍人，請治罪。上以山、琳罪不可恕，俱罰俸半年，令於本關架礮，其死者妻帑俱給與米布。

(英宗正統實錄卷8 第8頁 8.6.0162)

**79 八月丁卯** 行在工部奏：修安定等門城樓，欲撥旗軍協助及撥官匠赴紫荊關支用松木。上以旗軍工匠修在京通州倉廩及造山陵殿宇、作靈濟宮，始畢工休息，城樓姑緩之。

(英宗正統實錄卷8 第9頁 8.8.0165)

**80 九月庚午** 給居庸等驛甲軍月糧。時甲軍盛朴古等奏：臣等祖父於洪武間謫戍各驛，送迎使客，止給冬衣布花，不給月糧。彼時使客稀少，易為存活。即今添設萬全都司衛所，使客絡繹，臣等伺役，晝夜不得休息，乞照軍士例，給月糧贍養。從之。

(英宗正統實錄卷9 第1頁 9.1.0167)

**81 九月庚午** 免德勝關富戶〔校記：富戶下脫原籍戶丁徭役，時翟原奏，本關富戶十四字〕王禮保等一千四百五十七戶〔校記：廣本翟原作翟元〕，俱係〔校記：廣本係作以〕各布政司府州縣取來填實京師，歲久貧乏，乞免原籍戶下徭役供給。奏下，行在戶部議免二丁。從之。

(英宗正統實錄卷9 第1頁 9.1.0167)

**82 九月癸酉** 置六科度閣文書之所於承天門外。

(英宗正統實錄卷9 第2頁 9.2.0169)

**83 九月乙亥** 北京國子監祭酒貝泰言：朝廷設國子監，聚天下之英賢，資百司之任用，廩養豐厚，勸勵勤至，故凡在甄陶者咸思有以補報。近年行在禮部奏准，監生五十歲以上者會官揀退為民，是時年有及五十者，雖得選留，然候至歷事之日，又在揀退之年。窮經浩首，莫酬志願。教養恩厚，未答涓埃。與其待老放閑，熟若簡賢就職。況臣聞在外府州縣儒學多缺教官，乞命該部將此等監生考其學行，可為師範者，除授教職，如此則無淹滯之患矣。上從之。

(英宗正統實錄卷9 第3頁 9.2.0170)

**84 九月丙子** 命行在光祿寺廚料悉取給於外府。時順天府在